



Publicaziuns dalla vischnaunca, jamna 27

Carrar sin vias d'uaul e vias funsilas

Sebasond sin la lescha forestala sco era il reglament da traffic basegna ei ina **carta da controlla** per astgar carrar sin las vias d'uaul e las vias funsilas. Retscheiver ina carta annuala san:

- a) proprietaris ed affittaders da beins immobiliars pigl access al schischom;
- b) furniturs, glied da professiun, guardiacamonas, concessiunaris (purtaders d'ina patente cantunala ni communal) per praticar lur activitads.

La taxa persunter munta frs. 100.–. Cumpriu en quella summa ein duas cartas annualas (ina da quellas ei transmissibla). La carta era vegnir retratga en fuorma d'in taccader (oravontut per motors e quads).

Taxas da carrar

Carta dil di	frs. 15.–
jamnila	frs. 30.–
annuala	frs. 100.–

Las cartas ein da retrer tier l'administraziun communal. Las cartas dil di san, oravontut cura che l'administraziun communal ei serrada, era vegnir retratgas ella caffetteria dil Center da sport e cultura. La polizia communal controllescha il carrar sin las vias d'uaul e castigescha surpassaments.

Diever agricol

Per maschinas agricolas basegna ei negina carta da controlla. Pil diever agricol cun auters vehichels sto vegnir retratg tier l'administraziun communal ina carta da legitimaziun.

Attenziun Via Run

Muort il schliet stan dalla via vegn tschentau ora neginas lubientschas dil di e dall'jamna per la Via Run.

Suprastonza communal

Temps da vacanzas:

Ein ils documents da viadi aunc valeivels?

Tgi che planisescha da passentar vacanzas egl exteriur, vegn supplicaus d'examinar ad uras ils documents da viadi. Per l'emissiun dils documents sto vegnir quintau cun in temps da spetga d'entochen 15 dis. Nus appellein da far quella controlla, buca che las vacanzas entscheivien cun dagrettas.

Per ulteriur sclariment stat il personal dall'administraziun communal bugen a Vossa disposiziun

Administraziun communal

Prescripziuns pertuccont igl encurir bulius

La Regenza dil cantun Grischun ha decretau restricziuns en connex cun igl encurir bulius. Ei se tracta en specialdil suandont:



- Egl interval digl **1. entochen e cun il 10avel di** da mintga meins eis ei **scumandau** d'encurir bulius;
- Il quantum maximal ch'ins astga rimnar per persuna e per di da tuttas specias da bulius munta a **2 kg**;
- Vandalissem da bulius ei **scumandau**;
- Il diever d'utensils da mintga spezia per rimnar bulius ei **scumandaus**;
- Rimnar bulius en gruppas da pli che treis persunas, cun excepziun da famiglias, ei buca lubiu.

Nus supplichein la populaziun da respectar quellas disposiziuns ed engraziein per la capientscha.

Suprastonza communal

Clom d'urgenza 118

Preziadas vischinas, prezias vischins

Onn per onn dat ei cass en nies cantun nua ch'ils pumpiers vegnan clamai memia tard sil plaz da seracass. Savens emprovan habitontas e habitonts da cuntonscher pumpiers ch'els enconuschan via telefon privat. Il temps che va aschia a piarder ha ils davos dus onns caschunau la veta a duas persunas el Grischun! Plinavon daventan ils donns cun mintga minuta spiarsa pli gronds. Perquei s'adressein nus a Vus cun ina ferventa supplica: clamei ils pumpiers mo sur il clom d'urgenza 118. Era sche Vus veis mo in pign problem sa il polizist che pren encunter Vies telefon reagir aschia che mo ina pintga gruppa d'agid ni singulas persunas vegnan clamadas. Ulteriuras informaziuns era davart la prevenziun anfleis Vus sin nossa pagina d'internet: www.pumpiers-sursassiala.ch.

Engraziel per Vies sustegn!

Vos pumpiers Sursassiala

Uniun da dunnas Mustér

Dacuort havein nus envidau las dunnas d'emplenir ora in questunari che duei gidar la supras-tonza e la gruppa d'interess tier la decisiun davart il futur dall'uniun da dunnas Mustér, q.v.d. sch'ella ha insumma ina schanza da vegnir mantenida ni sche l'uniun sto vegnir sliada. Era eis ei da far patratgs co la sutgruppa mummas cun affons pigns duei funcziunar – eis ella gia in sector dall'uniun. Entochen il termin fixau havein nus obteniu varga 70 rispostas. Quei fa plascher e nus engraziein a tuttas per il sustegn accordau. Vinavon envidein nus, gie appellein nus talas dunnas che han aunc buca rispundiu da d'implenir ora ton pli spert il questunari – Tiu meini ei fetg impur-tonts – e da returnar el all'adressa indicada. En quei connex ei capitau in incaps buca declarabels. Sco nus havein stuiu constatar, han buca tuttas dunnas obteniu il questunari. Nus s'exculpein per quei fatg. Nossa damonda da controlla tier l'administraziun communal ha buca purtau success. Deplorablamein savein nus buca eruir las adressas che mauncan. Sch'enzatgi ha pia buca ret-schiert nossa posta (ni las autras che han forsa dismiss il formular), duein prender contact cun Jeannette Venzin (venzinjeannette@kns) ni cun Rita Furger (081 936 45 45).

Il termin da returnar il formular vegn cheutras prolungius entochen ils 11 da fendadur 2015. Nus selegrein sin ulteriuras rispostas.

Engraziel per Tia capientscha e per Tiu engaschi.

Cordials salids

la suprastonza e la gruppa d'interess



**Signalunterbruch infolge Bauarbeiten
Fussgängerunterführung Scaletta**

Infolge Bauarbeiten Fussgängerunterführung Scaletta müssen mehrere Zuleitungskabel von KnS (Kommunikationsnetz) umgelegt werden. Dadurch wird die Signalversorgung in den folgenden Quartieren sowie Strassen Via Chischliun, Via Veier, Via Carcarola, Via Sontget, Via Davos-Mustér, Via Cavardiras, Via Scaletta, Via Sogn Placi und Via Sursilvana.

Am Freitag, 10.7.2015, von 9.00 bis 12.00 Uhr unterbrochen.

Somit ist in den oben erwähnten Quartieren und Strassen während der aufgeführten Zeit Radio, Fernsehen, Telefonie und Internet unterbrochen. Die Dienstleistungen der KnS stehen Ihnen nach der Umlegung der Kabel wie gewohnt zur Verfügung. Wir entschuldigen uns für die Unannehmlichkeiten und danken für Ihr Verständnis.

Ihr KnS-Team

Stan da sittar Sars sut Fontanivas, Mustér

Societad da tir Desertina 100 m

Pusseivladat da sittar attest da catsch'aulta e bassa, mintga mesjamna entochen fin uost (26-8-2015) per in e scadin naven dallas 19.00. Di spezial per seniors: mesjamna, ils 22-7-2015 naven dallas 15.00.